

Breithiúnas na Cúirte Ginearálta an 6 Iúil 2022 – Les Éditions P. Amaury v EUIPO – Golden Balls (BALLON D'OR)

(Cás T-478/21) ⁽¹⁾

(Trádmharc de chuid an Aontais Eorpaigh – Imeachtaí cúlghairme – Focalmharc de chuid an Aontais Eorpaigh BALLON D'OR – Fíorúsáid arna bhaint as trádmharc – Cúlghairm páirteach – Airteagal 51(1) (a) de Rialachán (CE) Uimh. 207/2009 (Airteagal 58(1)(a) de Rialachán (AE) 2017/1001 anois) – Cruthúnas ar fhíorúsáid – Measúnú ar an bhfianaise – Aicmiú na seirbhísí)

(2022/C 340/53)

Teanga an cháis: an Béarla

Páirtithe

Iarratasóir: Les Éditions P. Amaury (Boulogne-Billancourt, an Fhrainc) (ionadaithe: T. de Haan agus M. Laborde, Dlíodóirí)

Cosantóir: Oifig Maoine Intleachtúla an Aontais Eorpaigh (ionadaithe: M. Chylińska agus J. Crespo Carrillo, i gcáil Gníomhairí)

Páirtí eile sna himeachtaí os comhair Bhord Achomhairc EUIPO, ag idiragairt os comhair na Cúirte Ginearálta: Golden Balls Ltd (Londain, an Ríocht Aontaithe) (ionadaithe: M. Hawkins, solicitor, agus T. Dolde agus V. Pati, Dlíodóirí)

Abhar

Lena chaingean de bhun Airteagal 263 CFAE, iarrann an t-iarratasóir go ndéanfar Cinneadh ón gceathrú Bord Achomhairc d'Oifig Maoine Intleachtúla an Aontais Eorpaigh (EUIPO) an 7 Meitheamh 2021 a neamhniú (Cás R 1073/2020-4).

An chuid oibríochtúil

- 1) Déantar Cinneadh ón gceathrú Bord Achomhairc d'Oifig Maoine Intleachtúla an Aontais Eorpaigh (EUIPO) an 7 Meitheamh 2021 (Cás R 1073/2020-4) a neamhniú a mhéid a sheas sé le cinneadh ón Rannán Cúlghairme an marc a chúlghairm i leith na seirbhísí seo a leanas in Aicme 41 de Chomhaontú Nice maidir le hAicmiú Idirnáisiúnta Earraí agus Seirbhísí chun Críocha Clárú Marcanna an 15 Meitheamh 1957, arna leasú agus a athbhreithniú: “siamsaíocht”, “siamsaíocht teilifíse” agus “eagrú comórtas (siamsaíocht)”.
- 2) Diúltaítear don chuid eile den chaingean.
- 3) Ordaítear do gach páirtí a chostais féin a íoc.

⁽¹⁾ IO C 382, 20.9.2021.

Breithiúnas na Cúirte Ginearálta an 6 Iúil 2022 – YF v AECF

(Cás T-664/21) ⁽¹⁾

(“Seirbhís shibhialta – Gníomhairí sealadacha – Conradh fostaíochta neamhiata – Foirceannadh an chonartha – Neamhinniúlacht ghairmiúil – Earráid fhollasach mheasúnaithe – Prionsabal an dea-riaracháin”)

(2022/C 340/54)

Teanga an cháis: an Fhraincis

Páirtithe

Iarratasóir: YF (ionadaí: M. Casado García-Hirschfeld, Dlíodóir)

Cosantóir: An Ghníomhaireacht Eorpach um Rialú ar Iascach (ionadaithe: S. Steele, Gníomhaire, le cúnamh ó B. Wägenbaur, Dlíodóir)